

光緒山西通志

鹽法略上

略三之一

山西通志第七十一

賜進士出身頭品頂戴兵部侍郎兼都察院右副都御史巡撫山西提督軍務臣張齡奉  
旨監修

山西食鹽三日土鹽出於霍山以北諸府州曰口鹽行於沿  
邊濱河諸廳縣皆聽民自煎自販無關於國計獨河東池鹽  
風水結成不藉刮淋拖兩池之天藏佐三省之民食歷代設  
官征權利權常操自上運行既廣立法亦漸密焉然以撈采  
課丁而丁恆至疲以轉輸課商而商終於乏者法久弊生勢  
有必至也

國家正本清源蕩滌煩苛自裁丁以訖改運制經屢更罔非  
調劑於盈虛消長之間俾民同飫天產之美利蓋至官民並  
運而課益充裕始以恤商繼以濟軍洵變通得宜矣而自丁

戊薦饑引地無不凋敝戶版既耗離務頓疲雖復核減淨加之課嚴申私漏之防而久滯之引卒不能暢行如昔則又天時人事之不齊所賴休養生成以徐臻庶富者若地不愛寶而人猶艱食未之有也乃類次其池堰之制場畦之形種治之方引額課額商運官運以及三省之運程吉蘭秦之活引花馬池之舊綱有涉於河東者並著於篇前代故制亦述其大略利弊互陳俾覽者有稽焉

池堰 場畦 種治 引額

池堰

鹽池亦曰鹽澤在安邑解州間河東道所治運城之南東西五十五里南北七里古名爲鹽字亦作苦周官所謂苦鹽卽鹽鹽也春秋傳所謂苦成卽鹽城也舊分兩池以近安邑者

爲東池近解州者爲西池今又以近運城者爲中池而通謂之大池

周禮鹽人祭祀共其苦鹽注杜子春讀苦爲鹽謂出鹽直用不凍治者疏鹽出於鹽池今之類鹽是也 左傳郇瑕氏之地沃饒而近鹽注郇瑕河東解縣鹽鹽也猗氏縣鹽池是疏鹽雖是鹽惟此池之鹽獨名爲鹽餘鹽不名鹽也

漢書貨殖傳猗頓用鹽鹽起注鹽鹽池也於鹽造鹽故

曰鹽鹽 潛夫論志氏姓苦城城名也在鹽池東北

案左傳謂

卻鞅爲苦成叔蓋卽其食邑

水經注涑水西南逕監鹽縣故城城南有鹽池地理志曰鹽池在安邑西南許慎謂之鹽長五十一里廣七里周一十六里從鹽省古聲呂忱曰夙沙初作煮海鹽河東鹽

池謂之鹽今池水東西七十里南北十七里紫色澄淨潭而不流水出石鹽自然印成朝取夕復終無減損惟山水暴至兩澗橫潦奔決則鹽池用耗故公私共塌水防其淫濫謂之鹽水亦謂之爲塌水山海經謂之鹽販之澤也本司鹽都尉治領兵千餘人守之周穆王漢章帝並幸安邑而觀鹽池故杜預曰猗氏有鹽池後罷尉分猗氏安邑置縣以守之

舊志河東大鹽池名分爲兩寶卽一池凡池皆水而此池之水其味鹹鱗介不膏其性溫隆冬不冰或曰此海眼也蔥嶺之東有海焉曰鹽澤河流所注不溢不涸此池亦名鹽澤是竅於山川生此奧區以粒我蒸民唐崔敖曰海眼通波河源伏脈千里一氣儲爲廣斥是也九

有之鹽有煮於海掘於地汲於井積於鹵出於崖出於石出於草木之各殊而此池之鹽則出於種沃水於池種鹽於畦日以暄之雨以潤之風以結之而鹽遂成南有風洞風自洞出爲南風夏月治畦得南風而舉體皆清工人種鹽得南風而所收倍入古名池曰解池以州名也又曰鹽池以鹽名也

池外緣以土牆名曰禁垣廣袤如池高一丈六尺有馬道有隍塹垣內外各設鋪舍三十六以居邏卒開三門於北垣東曰育寶距安邑五里西曰成寶距解州十里中曰祐寶近臨運城

舊志唐司空輿言壕籬者鹽池之隄禁此卽禁垣之意宋募兵百人目爲護寶都以巡邏之瀕池設攔馬短牆

自安邑介村抵解州圍立環合寬廣規池而有加但短垣及肩莫能捍禦迨明成化十年御史王臣巡鹽河東塞舊東西二門另於池北闢中門以總出入又於馬牆之外築禁垣一週二千五百餘堵計長一萬七千四百二十二丈高低隨乎地勢南北垣高丈有三尺基厚如之漸次而上上厚八尺有奇東西垣高一丈基厚八尺上厚六尺有奇垣之外有馬道以便往來有隍壑以蓄野水深闊皆丈垣內外置舖以居邏卒經理頗爲周詳後遇圯壞屢經修築垣崇至二丈一尺又闢東西二門合中門共稱禁門者三至萬曆四十年御史楊師程革堰戶之名檄行值修州縣議將禁垣渠堰丈量分工立石表界刊冊永遵

國朝順治五年浚曬工由商雇向置鹽丁無所效用先後汰存酌照州縣大小共派留用四千名專任修垣分工州縣凡有十三曰解州蒲州解州屬之安邑夏縣平陸芮城蒲州屬之臨晉榮河猗氏萬泉平陽屬之太平絳州屬之河津聞喜至雍正三年巡鹽御史馬喀請蠲鹽丁修築之役禁濬渠堰委運同動帑募夫督理於是十州縣之工皆歸運同委員修理

鹽法備覽雍正六年鹽政碩色以池牆最關緊要請於餘引公務項下撥銀三千兩以爲歲修之費十三年停止責令運同專管巡查如有塌卸報明興修所需銀兩卽於額設歲修渠堰銀五千兩內動支乾隆二年以後同輪修渠堰各工按年估修需費仍在五千兩之內定



制垣高一丈六尺基厚六尺頂厚二尺禁垣之下設有水眼舊志未載竊以堯曠必資於水旱則池忠枯竭特設水眼以待天雨之後引垣外墜暫停源暫濟堯曠故垣內護資長隄亦開設水閘二處並設閘夫以司啟閉此亦五十七年課邇來引水之制與水眼相爲表裏者也

歸地丁歲修銀兩部議令坐商按年交納興修嘉慶十一年復商後仍由坐商交納二十年九月二十一日地震三場禁門及掣鹽廳秤廳均震塌禁牆坍塌八千四百餘丈及池內菴廈四百七十餘間河東道覺羅承先詳明於中禁門旁另設便門以便商運並派各員刻日興修二十一年六月被震各工一律修整道光二年八月初六日大雨山水陡發馬道盡行坍塌九月初三日復大雨三晝夜黑龍東禁堰同時決口經河東道張大鏞委員堵築隨與各員逐細履勘應於禁垣內緊靠馬

道築隄一道由北而南自四舖以至七舖約長十餘里底寬二丈四尺頂寬八尺其高則隨地勢之高下以二丈五尺爲準經撫臣奏明動用商捐銷價銀三萬五千三百七十餘兩十六年雨圯再修咸豐六年又修並補葺禁牆挑挖引河先後共用生息銀五萬九千八百有奇商捐銀二萬七千有奇同治十一年巡撫鮑親勘鹽池以禁牆歷久傾圯設法修整議令商捐商辦於十三年鳩工凡禁牆水眼隙壑通體重修用銀三萬二千有奇踰年工竣

女鹽池亦名消池在大池西北七里水經注所謂女鹽澤也池廣袤三十餘里時或生鹽淡苦不可食今封禁

大小池在女池西北四里曰蘇老曰熨斗曰夾凹曰永小曰

賈瓦曰金井池形方直不一最大者不過畝餘所生之鹽亦半雜消鹼舊嘗開曬今並封禁

水經注池西又有一池謂之女鹽澤東西二十五里南北二十里在猗氏故城南春秋成公六年晉謀去故絳大夫曰郇瑕地沃饒近鹽服虔曰土平有概曰沃鹽鹽池也土俗裂水沃麻分灌川野畦水耗竭土自成鹽卽所謂鹹鹺也而味苦號曰鹽田

舊通志爾雅釋女爲小池爲小中之大而以女名以有大池也在解州西北去州治六里許州西北有六小池合此爲七女池地據高阜首當中條山谷之下流所潴客潦爲多溢則水淡生魚乾則水苦生硝礬本鹽類作味苦澁充食使人洩利又女池在禁垣之外盜取每易

晉鹽賤售猾法礙課是以鹽禁撈採又且勢較東池爲

高山谷水漲姚遷渠滿澎湃吞吐東趨禁垣大爲池患

故垣西築硝池諸堰以防潰決鹽法備覽女鹽池久經

地較東池爲高私煎之患小沒決之害大也乾隆二十

二年積水漫田村民盜挖硝池堰放流東注勢若建瓴

沖決禁牆五十餘丈爲患者數歲當事者奏請梟示民

知稟畏復將該堰添建石工以期鞏固道光十一年

以附近貧民開畦偷曬議定每年自五月初十日爲始

至八月初十日止委員帶領州役八名常川巡緝成豐

六年會議緝私章程由河東道委員帶領捕手十二名

巡役緝約各十二名常川巡緝自二月初一日爲始至

十月月底止

國朝康熙十九年大池水患眾商援例呈請暫開垣西小

池澆曬濟課待大池涸出仍回本號巡鹽御史曾寅疏

請從之巡鹽御史黃斐踵任其後議均地立畦之法務

期公溥運使高夢說議得永小池旁計地一百二十二

畝五分金井池旁地七十三畝三分賈瓦池旁地一百八十七畝五分又東稍地十一畝二分五釐喬家溝有地三十畝四分蘇老池旁地一十五畝各地共計四百二十九畝九分五釐應分之商五百一十三名今議將地分成五百一十三處每商一名應得池地八分三釐有畸隨照地形長闊方斜積弓科算務足八分三釐有畸爲率用阜吾民之財五字每池各用一字挨編五百一十三號每地一處編爲一號自阜字一號編起池完換字號數頂接至財字五百一十三號止首承小次金井次賈瓦次喬家溝次蘇老前後編定造成號冊每號寫造什籤一枝傳集各商當堂自拈該課六錠者拈籤一枝十二錠者拈籤二枝拈著字號卽將商名註定冊

上又西池原無牆垣成鹽必皆露積關防爲難查西禁門相去小池約二十里應將各商收復之鹽委場員逐日盤驗登數具報隨督各商運堆西場以候掣放至康熙二十五年大池水退修葺告完御史勒信疏請停止將所開畦井填塞商歸大池復業永小池周圍四百四十八丈金井買瓦夾凹三池周圍一千五百八十八丈蘇老池南北長三百零八丈熨斗池南北長二百九十七丈內產硝鹽禁附近居民無得私燒私鹽掘挖硝版備覽六小池於乾隆七年鹽政尙琳又有開採之請嗣據鹽政吉慶以小池試採寡效又疏禁之十七年鹽政薩哈岱議請開墾六小池並酌增鹽價爲墾費不果行二十三年鹽政西甯請將六小池量修以資燒曬二十

九年鹽政李質穎請照舊封禁於六小池高阜處所築  
牆建堡堆貯鹽勛並添設窩舖派撥弓兵以資防範三  
十八年以池鹽不敷配額經巡撫巴延三會同鹽政瑞  
齡議請復開小池接濟配運隨於禾小金井買瓦夾凹  
四池開成畦地四十三號用地寶天成四字挨編爲號  
地字禾小池開畦十二號寶字金井池開畦十三號天  
字買瓦池開畦十四號成字夾凹池開畦四號其間鹽  
堡之設窩舖之建與夫弓兵之派撥一如二十三年定  
制其蘇老池南北長三百零八丈燹斗池長二百九十  
七丈故址雖存今皆久成廢棄續備覽六小池每遇大  
池產鹽不足藉資接濟  
此運商之業也是以開曬封禁無定乾隆五十七年課  
歸地丁運商賣與附近居民澆曬嘉慶十二年復商後  
撫臣喬齡乃奏請仍歸運商捐資配運以杜私販嗣據  
河東道劉大觀查詢各商均稱六小池產鹽味淡而苦

不能行銷墾請封禁送飭解州查封將各業主契約送儲州庫駐地原約價值共銀二千三十兩令殷實商人尉世隆等照數捐出置買以杜私採

渠堰以防客水之入池其在池北者曰凍水河曰姚通渠皆經流也並有隄與禁垣及諸堰歲修如制

其在禁垣之內當池南者曰護寶長隄垣之外曰白沙堰曰李綽堰曰雷鳴堰曰自家堰曰黑龍堰曰東禁堰並在池東曰桑園堰曰常平堰曰龍王堰曰短堰曰賀家灣堰曰趙家灣堰並在池南皆以禦中條山潦衝突者也曰五龍堰曰消池堰曰七耶堰曰卓刀堰曰長樂堰並在池西皆以障峪水渠水消池之水東溢者也

天下郡國利病書解鹽藉主水以生緣客水而敗主水乃池泉之停蓄斥鹵之膏液客水乃山潦之漲泛渠漚之浸



衝只知是鹽成於風日不假煎滌不知隄防少虧潰決已甚素者汗醕者滷疑者紆矣故治水卽所以治鹽然客水有遠近設防有疏密貽患有大小而施功有緩急大抵池形若腰盆東西長而南北短南枕條山雨水易迫然非泉淵所出且橫互有護寶隄爲仞高厚倚山有桑園龍王趙家灣大小李西姚諸堰縱有飛瀑亦各容阻甚至毀牆而已多不能入北緣曠壤平邱與水隔絕二隅無從爲慮若東西盡處俱通禁堰一牆以外客水所鍾次東禁堰者有壁水小堰月堰及黑龍堰次西禁堰者有卓刀七郎稍池堰各以東西自高而下多則決少則浸禁堰不能受則入池矣黑龍堰之受害實原於苦池苦池乃姚邈渠蓄而復流之所也稍池之受害實原於凍水凍水在姚邈渠之北

勢高於彼故也二水皆由東北而來東南故出自夏縣一  
由巫咸谷白沙河爲姚暹渠北合洪濟渠一由王峪口爲  
李綽堰西合姚暹渠總經苦池迤邐西南自安邑厯解州  
抵臨晉入五姓湖此姚暹之渠道也出自絳縣山谷由閩  
喜東北來者爲涑水亦從西行受稷山孤山峩帽坡諸水  
經猗氏臨晉亦入五姓湖此涑水之河道也五姓湖由孟  
盟橋入黃河則極矣姚暹渠中尾太狹涑水中尾亦多窄  
苦池在安邑不勝白沙洪濟姚暹渠之受其勢必自東北  
汎溢於黑龍入黑龍則通水小堰月堰不能支而竟衝決  
於東禁涑水在臨晉不勝山坡之受其勢必自北橫溢破  
姚暹而奔騰於硝池入硝池則七郎卓刀不能支而竟衝  
決於西禁況東北又有涌金泉亦注於黑龍西北又有長

樂灘亦注於七郎此東西隅水患之大略也故築東禁以及黑龍築西禁以及硝池治其標者也復姚遷以導苦池復涑水並歸五姓治其本者也急則治標其功急而小緩則治本其功遲而大切水脈者緩於南北而急於東西先於根本而後於標末惟嚴其防障於東西之近堰而於姚遷涑水源流歸宿之處常不忘其所事焉則客水不浸主水無恙鹽利不竭邊儲永濟矣

舊通志護池諸堰星羅碁布周圍環繞遠近稀密不一其程高低闊狹不一其制斜正曲直不一其形要皆相勢建置因時制宜防客滂以護鹽池而其名二十有二曰白沙堰長一千九百二十丈曰李綽堰長二千五百五十六丈內小堰長百十丈曰雷鳴堰長二千三百二十丈曰黑龍堰長二千三百二十丈曰申家堰曰逼

水月堰

今並廢

曰東禁堰

長一千二百五十八丈

此在池東者也曰賀

家灣堰

長四百五十丈

曰桑園堰

長八百七十八丈

曰龍王堰

長四百七十八丈

短堰

長一百六十丈

曰常平堰

長三百八十丈

曰趙家灣堰

長七百五十丈

在池南者也曰硝池堰

長七百五十丈

曰長樂堰

長四百七十八丈

龍堰

長八百三十丈五尺

曰青龍堰

曰蝦蟆堰

今並廢

此在池西

者也池北之保障則有姚暹渠姚暹隄所以受東南諸

水束之使洩於黃河者也相其輕重緩急次第施工庶

有裨益防客滂以護清湍其法總不離乎疏與排兩策

治渠者疏之治堰者排之排其水之自束至者則有白

沙堰以防白沙河之暴漲並堵蓮花橫洛禹王城一帶

泉渠之水所謂李綽堰之外藩也李綽堰起王峪下接

姚隄築自宋解令李綽因以名焉昔水勢湍悍多築月

堰以爲重固今惟峪口尙抱三重迤東轉北一以防中  
條諸谷聚流之入姚渠一以防白沙溪決之漫流瀦苦  
河而入姚渠決則淹沒東郭並注東禁矣西近山爲東  
郭鎮鎮後有堰曰雷鳴東西橫互以防山中暴漲決則  
直走黑龍西灘而池東受其患鎮前有堰曰黑龍南北  
直延起東郭抵任村稍曲委西終於楊莊堰之東西各  
有灘以受南來磨兒盤窰子溝介村等處山泉野水西  
有黑龍潭深不可測堰互灘中以分其勢並以防李綽  
之潰決也任村之東有湯里村之申家堰堰制雖小自  
北抵南爲東水浸池門戶堰外村民恆決之以洩積滂  
黑龍西北爲聖惠鎮自鎮南抵介村有通水月堰堰西  
爲介村灘汪洋澤國水淡而宜魚漁舫蕩槩直泊東禁

包深灘而復置此堰者所以備黑龍決入灘中以據東  
禁若夫東禁堰乃東垣之礎石故石工極其鞏固排其  
水之自南至者則自崑尤村東賀家堰始次之有小李  
村南桑園堰次之有大李村南龍王堰次之有西姚村  
南短堰次之有張家村南常平堰次之有蠶房西董家  
莊北之趙家灣堰以上諸堰統名護寶而禁垣以內更  
自有護寶長隄長七千一十四丈皆所以防條山之霖雨下注  
以侵池者也排其水之自西至者則西禁堰爲垣西宿  
衛外之有卓刀堰長五百七十五丈爲解州東灘起於風后廟北  
抵十里鋪實離海之鄰壑也外之又有七郎堰長七百六十二丈  
爲解州北灘南起州城東北抵高坡形勢與卓刀  
等外之又有黃平堰土名黃牛堰自南指北起北郭門

至車鹽村高闊不遠七郎亦足洩硝池之水外之又有  
硝池隄堰最爲地西扼塞蓋硝池北灘地最多勢皆北  
高而南陂硝池南爲中條山聳麓伏而硝池處山灘之  
中爲眾水所趨無所逃其委受鹽池在東深如釜底上  
視硝池又居高岸是以山灘水漲則趨硝池如建瓴而  
硝池溢則趨鹽池如倒峽矣況姚渠旣受東南諸水東  
而取道於北灘決則灘水皆渠水能不以硝池爲居停  
以鹽池爲歸宿乎堰以池東之南北爲首尾決則黃平  
小堰浪可平遮七郎卓刀亦隨波而靡西禁必難保固  
乃七郎卓刀之北又有長樂堰防長樂灘之泛溢也起  
長樂灘北之官道南與七郎卓刀相接灘旣廣遠姚渠  
亦經其北渠堰決則灘堰危灘堰決始西出而必復東

入解之北灘而趨卓刀以逞矣再解治南有根山之堰  
曰五龍起五龍峪之左而北抵乎崇甯宮右峪深遂難  
窮暴雨時行則水競從峪口而出浪奔人立波急霆怒  
設堰防之使西循澗道會靜林青龍石樓諸峪之泉流  
入新河又合貽溪出小湖橋以歸黃河決則隨其所射  
爲害潰垣破堰總有浸池之患至硝池西南又有青龍  
堰蝦蟆堰相間地不遙遠制皆自南迤北以遏新河之  
泛溢緣五龍之水會歸新河而虞其不能宣洩故復爲  
此他如解州尙有鳳尾堰凍水河堰夏縣尙有陽公堰  
橫洛堰蓮花堰蓮花二堰中花堰匙尾堰軒轅堰苦池  
灘堰通稷堰安邑尙有小月堰白家堰新堰張村朱里  
堰西姚西南堰西姚東南堰西姚東北常家月堰大李



村西南堰小李村東南堰匙尾堰蚩尤村堰沈家堰苦  
水備水月堰苦池灘河南小月堰苦池灘河北小月堰  
楊家莊堰場里堰各皆環池散布按地課工要非連陰  
積潦不報潰不隄修非若以前二十二堰之時勞經紀  
以工有緩急也然卽二十二堰之中李綽爲東南半壁  
五龍乃西鄙長城北藉姚渠自東抵西全當一面南山  
雖有居高臨下之勢然洪谿深谷按東西而已分屏於  
李綽五龍之外惟是山陰天澤有護寶長隄足以委蓄  
而使之在山是鹽池已成四塞之國果能周巡密視使  
無蟻隙之可乘何至爲患固知謀捍衛者貴持其緇領  
矣

鹽法備覽續涑水河姚暹渠同受東南諸山之木奔流

合注並爲池惠乾隆中屢次借動庫款大加挑濬四十年定河渠各工每年於農隙之時一律歲修涑水河責成解州安邑夏縣虞鄉四州縣地方官會集民夫辦理姚暹渠分南北兩岸北堰歸居民修築南岸由坐商雇夫挑濬遇有急工動用額設銀兩由坐運兩商分捐歸還舊制渠口寬二丈四尺底寬二丈深一丈二三尺不等計一百三十一里有奇長一萬三千七百七丈八尺專責運同督同各州縣辦理五十七年課歸地丁運同缺裁嘉慶十一年復商改設監掣同知照依舊章咸豐三年運商捐免專歸坐商捐修嘉慶二年動用商捐生息銀九千九百餘兩用歷年歲修餘積銀與修道光三年重築解州莊頭橋西銀四萬一千八百三十三兩六年大修渠堰借堰用生息銀二萬二千六百六十六兩再修用生息及用藩庫銅本生息銀八萬兩咸豐六年再修用生息及歲修餘積銀二萬九千二百餘兩

備覽舊例鹽池渠堰各工派用蒲解等十三州縣民力  
有分修獨修之不暇康熙二十七年立均平徭役按丁  
分工之法雍正三年停止派用民夫在於額引公務項  
下留存銀五千兩以爲歲修之費六年定再於餘引公  
務項下留銀六千兩以三千兩修葺池牆以三千兩存  
庫積至五年作爲大修之費十三年鹽政孫嘉淦以歷  
年修理皆有餘剩並請停止禁牆銀三千兩留銀五千  
兩爲歲修各工之費本年又以渠堰眾多必欲按年徧  
修不過彌縫補葺削土去淤而已渠不能加深增闊堰  
不能加厚增高不如一年將李綽等六堰緊工先行修  
築高厚餘堰統於次年興修俟堰完固踰年再將姚遷  
渠通行挑濬悉令深闊此輪修所由始也乾隆六年鹽

政白起圖請變三年輪修之例令鹽臣等隨時酌量搶  
修部議未准乾隆七年鹽政尙琳疏請行之所需銀兩  
俟輪到年分仍於額設五千兩之內扣除還項自此有  
搶修之例而緊工可免貽誤矣十一年至四十二年先  
後四次借庫款興修動用銀十三萬七千八百有奇皆  
分年補還四十二年運使程國表會同河東道詳議歲  
修章程停止借帑五十七年課歸地丁運商公攤銀  
六萬兩發交陽曲等三十州縣當商照銅本生息例按  
年一分生息名曰鹽池生息由各州縣將息銀解交藩  
庫作爲河東渠堰工程之用又以河東運庫向有額設  
歲修銀五千兩渠堰係保護鹽池鹽池爲坐商世業應  
令坐商照數交納河東道庫以備歲修五十八年河東

道和明詳准將藩庫存儲之鹽池生息撥歸宏運書院  
作為膏火如有緊急工程准其酌動嘉慶十二年後歸  
商運十六年河東坐商捐存銷價本銀十五萬兩發交  
運商按年一分生息二十一年巡撫兼鹽政衡飭令陽  
曲等三十州縣將存放之鹽池息本銀六萬兩提歸河  
東道庫發交運商生息如有緊急工程酌量動用道光  
六年准於商捐銷價現存息銀內動銀五萬兩發商生  
息每年所得息銀五千兩卽作為歲修渠堰各工之需  
共計每年歲修銀五萬兩道光三年大修李輝壇及姚  
道采用生息銀四萬一千一  
百八十三兩有奇分作四年歸還十六年又修  
借藩庫銅木生息銀八萬兩分作八年歸還二十七  
年九月間因西口軍餉奉撥銷價生息銀一十萬九千  
兩維時此項並無存款卽以鹽課正項借撥批解每年

將額設歲修暨續生息一萬兩全數歸補其渠堰歲修並堰戶開夫工食飭商公捐嗣經戶部咨覆自咸豐元年爲始每歲在於歲修一萬兩內劃出銀八千兩歸還前借鹽課留銀二千兩仍歸歲修等項之用咸豐三年各運商輸銀捐免所有鹽池銷價各項生息一律停利歸本以後陸續催繳改發坐商令坐商每年按等捐銀五千兩作爲歲修渠堰並堰戶開夫工食之用統於年底將用過銀數造冊報部核銷歲修不敷再於公費內酌量支用如遇搶險及大修鉅工由河東道詳請先行籌借庫銀墊辦令坐商按畦錠等次分年攤捐歸款令仍其舊

咸豐六年李紳堰與姚選渠同時興修

渠堰之外有護池灘所以留曠閒之地受諸渠滲洩之水令

不爲池患亦利害所關也茲附見

城北灘在解州城北受女池之水地勢西高東下有七郎堰 城東灘在解州城東內有數泉復受以上西來諸溝水切近禁垣中築卓刀堰 長樂灘在鹽池北七里許周圍二十餘里北受姚暹渠水西南直沖諸堰有長樂堰 東膏腴灘在長樂灘西北數里極西者爲西膏腴灘又西北十五里爲西辛莊灘亦時北受姚暹渠水南入女池或入城北灘 洗馬灘在西辛莊二十五里 南扶灘在洗馬灘東北 衛諸灘在洗馬灘西北 三婁灘在衛諸灘西北十里 羅父灘在三婁灘東二十里 小張塢灘在羅父灘北十五里 沙窩村在鹽池北長樂灘西離運治三十里 卓頭村在鹽池北長樂灘東離運治十里許上

解州地

前介村在運城北門外五里又名東留灘 後介村在鹽

池地東距運治三十里 蚩尤村在鹽池東南距運治三

十里 下段村在鹽池東距運治三十里 下王村在鹽

池東距運治三十里 李莊村在鹽池東北距運治二十

里 小李村在鹽池南蚩尤村西距運治四十里 北路

村在東留灘運治池北五里

以上安邑縣地

祁任村在猗氏縣 南村在虞鄉縣 祁東村在臨晉縣

傅村在夏縣南距運治四十里

東郭村灘在安邑東南十餘里地大十頃除現收籽粒之

外例禁開種

此下三灘皆係籽粒灘地

張良村灘在安邑境鹽池境

北大百十頃 苦池灘在安邑縣東一十三里夏縣東山



上西漢元帝十一  
重刊  
二十一  
巫咸諸水匯此以達姚渠

舊通志運使蘇昌臣曰護池灘地簿書湮沒無從別其灘址之孰爲民種孰爲鹽課貪黠之奸競以乾沒爲倖就今之計凡有護池之地以灘名者遇墾佃之請惟商則可准苟非商籍與池旣無休戚慎勿混允行犁蓋旣佃之後麻麥在野儻值旱潦示禱雨則苦漬灘居堰上者勢必決堰洩流而以池爲壑嘆則苦乾灘在渠內者又必破渠引灌而留隙患池東郭一灘久爲丁鹽交錯之地向聽佃種近奉禁止深有慮夫佃民之自愛其植盜決隄防以誤課源也

謹案鹽池地勢低窪形如釜底故隄防之設自昔爲重河渠自涼水姚渠外傍山澗谷之水以十數計皆

客潦也舊志所記二十二堰今其要工見於案牘者止十七堰蓋時移勢異不無湮改也備詳其修築章程共水道源委已見山川水利兩考中不復述焉

右池堰

場畦

禁垣之內區池爲三場曰中場曰東場曰西場各由附近禁門出入設三大使分治之

備覽池之廣東西計五十餘里東場地氣本厚上多黑泥下坐鹽根糾纏附土磊塊相連所謂產鹽之母也西場地氣獨薄但有黑泥而無鹽根中場介在東西之間近東者似東近西者似西向賴黑河東西深通而地勢東高西下河水西趨西場猶借東場之餘潤以爲澆曬

之源自乾隆間客水泛池之後黑河盡淤而水自西來  
西場地氣本薄至此受害尤深矣

國朝設中東西三場大使初係未入流雍正六年部議以  
大使管理鹽務職分卑微不足以彈壓商窳酌加正八  
品乾隆五十七年課歸地丁三缺俱裁嘉慶十二年復  
設

三場各治畦爲澆曬之所其制長闊不一外界以埂旁開港  
道中復爲厓凡一畦爲一號號注商名納課六錠三場舊共  
有畦四百六十五號又額外餘畦一百二十一號

中場十舖共畦一百五十五號

內額畦一百三十四號較  
前志少七號餘畦二十一

號較前志  
多五號

頭舖額畦十六號二舖額畦十五號餘畦一號

三舖額畦十七號四舖額畦十一號餘畦二號五舖額畦

十九號六舖額 哇十一號餘 哇一號七舖額 哇十二號餘  
哇二號八舖額 哇十九號餘 哇一號九舖額 哇十三號餘  
哇一號十舖額 哇一號餘 哇十三號

東場十一舖共 哇二百六十六號 內額 哇二百四十五號  
較前志多二十五號餘

哇二十一號較前志多十三號 頭舖額 哇三十號 餘 哇一號二舖額 哇二

十二號三舖額 哇二十六號四舖額 哇二十七號五舖額

哇二十三號六舖額 哇十五號七舖額 哇十六號八舖額

哇十七號九舖額 哇十二號十舖額 哇十六號 阡舖額 哇

四十一號 餘 哇二十號

西場十一舖共 哇一百六十四號 內額 哇八十六號 較前志少一十八號 餘 哇七

十八號 較前志多一十八號 頭舖額 哇六號 餘 哇一號二舖額 哇一號

餘 哇十四號三舖額 哇五號 餘 哇八號四舖額 哇四號 餘

畦十號五舖額畦六號餘畦九號六舖額畦十二號餘畦  
二號七舖額畦九號餘畦六號八舖額畦十號餘畦四號  
九舖額畦十一號餘畦二號十舖額畦十號餘畦三號  
舖額畦十二號餘畦十四號

舊通志唐崔敖言五幅爲塍塍有渠十井爲溝溝有路  
泉之爲畦醜之爲門柳宗元言溝塍畦畹交錯輪囷宋  
元符四年開二千四百餘畦百官入賀是池之有畦自  
唐宋時已然矣池如仰盤畦居灘際地勢南卑於北畦  
旁各開水爲港長與畦等汲引水上畦底如砥邊封爲  
埂中復留塍以段分之此治畦之法也明時畦地用官  
丁撈採鹽入於官

國朝順治六年畦歸於商按課六錠分畦一號注一商名

原額畦地四百八十五號東場二百四號中場二百四十二號西場一百三十九號中場內有脚道一百五十丈東西池涯各有無礙餘地商人續有開治東開東無礙二十七號中開脚道十二號西開新阡舖三十三號中場每號闊十丈西場每號闊十五丈東場自東無礙至東五舖共一百五十二號皆闊六丈五尺其餘每號闊九丈長無度任商力而爲之不佔水口故無爭也共成五百五十七號除懷慶改食蘆鹽原額九十三號無地行銷無商而荒其現有錠名商畦四百六十四號之中亦荒蕪一百一十號蓋因鹽法廢弛論錠而不論畦有鹽熟畦坐得銷價無鹽荒畦亦坐得銷價是荒熟同價人又何肯墾荒而爲熟哉殊不思三場商畦四百六

十四號與額錠二千七百八十八錠半之數相配錠從  
畦出畦以錠名有一名之引卽有一錠之商名有六錠  
之商名卽有一號之畦地彼畦旣荒鹽於何出而猶坐  
收銷價是猶農夫不耕而食也雍正六年巡鹽御史碩  
色疏請開荒部議無商荒畦先動庫銀五千兩給發運  
使酌量畦地之闊狹淺深陸續開墾成熟之後商人有  
補完工本者卽給爲業其燒曬之商令其各出銷價以  
補庫項至有商荒畦令本商各開各畦如無力開墾卽  
頂與殷實商人開墾更名報部務令將未墾荒畦漸次  
成熟使積鹽日盛於國課民食均有裨益等因遵於七  
年二月肇工八年二月工竣共成額餘畦五百四十九  
號三場原額畦四百六十四號餘畦九十三號後查出  
額畦王成業有錠無畦將餘畦補給一號又有額畦

地澗淡水將餘畦補給八號今現存額畦四百六十五  
號餘畦八十四號東場十一號中場十號共畦二百二十八號內  
額畦二百二十號餘畦八號  
七號內額畦一百四十一號餘畦一十六號西場十一  
舖共畦一百六十四號內額  
畦一百四號餘畦六十號

備覽畦分額餘有銳爲額無銳爲餘額有銳主爲坐商  
之世業餘隨引地乃運商所續開畦分雙單一畦爲單  
兩畦爲雙單者一畦自爲一港道雙者兩畦共爲一港  
道故不曰兩號而曰雙號以港道之難分也又畦有單  
月雙月之名以課錠按月封納單月者單月納課之畦  
雙月者雙月納課之畦至若不論雙單月皆納課者則  
十二錠雙畦矣又畦有額餘加荒之名以本用額畦旁  
有隙地開荒作餘加單號爲雙號是爲額餘加荒矣又  
畦有定界舊志稱長無度任商力爲之者是矣又稱中



場每號闊十丈西場每號闊十五丈東場自東無礙鋪  
至東五鋪每號皆闊六丈五尺其餘每號闊九丈此則  
已成陳迹節年畦數屢增額餘互改考以現在廣狹之  
度已非昔日之舊大率各以港道爲界矣又畦有定制  
畦在南巷在北惟東阡鋪中截以下則又東西其制若  
南岸有畦數號巷在南而畦反在北蓋東陽地氣較厚  
利在共趨商人爭先開種故不留餘隙遂不能盡依舊  
制也雍正七年開荒餘畦查有額畦地過淡水不隸鹿  
東阡鋪餘畦一號將中二鋪畦地棄爲鄰號盛水自此援爲  
仍作節額所遺互改至乾隆四十二年共改移畦地三  
成例節年銷餘畦入號乾隆九年後商人又於三場  
十號內注銷餘畦將額畦改移於新開餘畦外更加餘  
隙地積加開荒除有餘畦改移於新開餘畦外更加餘  
畦三十六號並前貫有餘畦改移於新開餘畦外更加餘  
畦五百八十五號乾隆十二年遭水患次年鹽政  
西甯查勘三場淹沒畦地積水向三五尺一面飭商將

未淹畦地修治澆曬並擇於空隙餘地開荒新底共成  
畦底七百六十七箇旋因舊畦涸出各商從舊種治所  
開新底或留為盛水  
之畦或仍存為隙地

續覽嘉慶十六年奏報額畦四百六十五號餘畦一百

二十一號東場阡舖舊係餘畦二十號復商後南岸續開一號共額餘畦五百八

十六號自道光十五年山水入池三場被淹畦地至一

百七十餘號經河東道飭場督商如式修整光緒三四

年間晉省旱荒河東被災尤重種鹽人少工價倍昂且

銷數無多鹽價減色坐商率皆賠累致有荒畦現經河

東道隨時督飭興工修治

右場畦

種治

種鹽之法資乎畦工畦外舊臨黑河歲時修濬東西深通畦

底淤泥滋生鹽根糾結盤簇上有鹽板堅厚光澤澆曬所取  
給也歲以二月一日畦工入垣蓋菴洶溝治畦既畢俟南風  
至時用桔槔挹水注於畦之首段時以鐵杷攪之日曝味作  
移注次段首段另注新水次段水鹹色赤移注三段俟其澄  
清開隙畦隅以灌四段要俾清流盈科而進水深不過一二  
寸經時鹽花浮上望如皎雪乃用木杷徧搨謂之搨花花落  
水底風力震蕩逼以烈日映水視之如編貝然則鹽成矣若  
得小雨顆愈鮮明夏月生鹽獨美春秋生鹽多消歲旱粒細  
而芒雨多日不烈則青頭色故有青鹽白鹽之分南風東風  
則鹽成一夕東北風西南風則鹽花不浮滿畦如沸稀粥謂  
之粥發色惡味苦須刮棄畦邊待風轉時再上水澆曬方堪  
食用惟池深岸高內無不竭之源外無可引之派雨則病澇

旱則病枯蓋地實需天時而成而天時恆難得宜也

舊通志唐時就山海井竈之地置監院游民業鹽者爲亭戶免雜徭又崔敖曰乃滌場圃乃院庖倉舉其場功以謹秋備是唐時已有畦戶宋時墾地爲畦引池水沃之謂之種鹽水耗則鹽成籍戶民爲畦夫官廩給之復其家明以鹽丁撈採

國朝鹽歸商種不勞民力而其種治仍如舊法然其種治也秋冬生鹽多耐春夏生鹽獨美正南風正東風鹽成朝夕東北西南風揚花不淨則天時宜知溝港深通雖遇旱乾不竭料臺高阜可備燥溼不時則地利宜知作頭副作長工擇其才而勤者乘天時因地利量晴課雨疏港通溝澆曬合宜所收鹽料必潔淨而無硝味甘而

粒大則人事宜勤一種治而天時地利人事備焉

澆曬變法自乾隆二十二年客水灌池泥沙厚淤黑河之水不能仍前深通顯露鹽根東場商人劉阜和創爲掘井澆曬之法合池效之汲出之水自然味鹹色赤不須凍治工省而成鹽極易其興工舊以二月一日至八月止今則掘地打井在於秋後謂之冬工疏港葺巷改於正初謂之春工所收新鹽數目有月報之制有丈量料臺之制並歸簡易

備覽自乾隆二十二年客水泛池之後黑河盡淤而水自西來西場受害尤深以故灘多浮沙地勢平衍蓄洩最難所幸東場商人劉阜和創爲掘井之法始於乾隆四十二年合場爭慕效之蓋鹽池菁華內蘊掘之則盡洩於外一得地泉泉水卽鹽水味鹹色赤無待操鍊卽

可澆甕成壘故事半而功不啻數浩韓獻子所謂國之  
寶者誠不誣也法以二月興工之日始各就畦灘擇可  
打井之處集夫開掘深各二三丈或四五丈不等要以  
得泉爲度更或製爲鐵槍大可二三寸長則丈餘以防  
泉水偶有壅塞借資穿掘以疏其源多方求取極盡人  
事之能中場偶一有之若西場土性浮鬆屢經試開毫  
無成效地氣然也道光十五年亦入之池畦多被淹十  
配運筋行開工日期提早正月月初旬開工澆曬二十年冬經  
臣奏明後即黑河淤阻仍不時挑濬自乾隆二  
十二年客水入池黑河淤阻仍不時挑濬自乾隆二  
年黑河淤無迹奏請停修在案三場坐商皆爭效  
打井之法所掘地井俗呼爲泔沱每年於八月間完場  
後酌留工人掘地打井注謂之冬工每於年終  
由河東道轉商於次年正月月初旬督商興工與於年終  
附近貧民入池坐商挑選雇集修治畦底注養瀆水是  
工爲春

續覽舊志五月至八月將刮收新鹽數目五日報司十日報院近則每年自四月起至八月止三場大使每月兩次造報刮收新鹽數目由監掣同知轉報河東道查考每月仍由道造具總摺詳報鹽院查考鹽料者堆鹽之所也俗曰料壘舊制每壘干引爲一料其高二尺有折方以高五尺長一丈闊一丈爲一名高一丈長闊各一丈爲二名每年入夏後隨時將所刮之鹽堆於畦旁另造草廬或搭席棚統名爲小巷夜由坐商派人看守至八九月間坐商各於巷廬附近高阜處所擇地作爲料臺稟明場員移鹽上臺名曰歸料上覆以茅外加以泥以防風雨仍搭小巷各派家役看守迨十月間由河東道派委二員會同各該場員先將池內所存新陳鹽斤一律丈量由監掣同知造具三

場新陳鹽數細冊呈送河東道查考再由河東道示期親赴三場丈量後轉呈巡撫察核以昭慎重

丁工之更制始於順治六年鹽歸商種裁去鹽丁商人自覓工作有作頭伴作長工之名作頭者工作之頭爲一畦之領袖掌澆曬者也伴作則副於作頭而督領長工澆曬者長工乃近村之貧民計年傭力合畦夫鹽丁之勞苦而兼當之者也工有勤惰在省試者留意焉

備覽明初於蒲解等州縣編審鹽戶八千五百八十五戶定鹽丁二萬二百二十名每二十名立料頭一人撈鹽千引爲一料其鹽戶除正役里甲應辦糧單外一應雜泛差徭丁少者俱蠲丁多者量減於商人名下每引徵賑濟銀一分每鹽丁撈鹽一引卽賑濟一分又查有



佃種逃絕鹽丁地土者按地派出鹽丁以供撈採嘉靖  
間因富丁私自雇役料頭攬收影射議每年清審聽民  
自願無力者照舊供役有力者納銀壹兩五錢免其撈  
採如遇撈採不及雇募貧民每一料給以前銀二十兩  
爲工費此工本鹽所由昉也隆慶間因前項佃地人戶  
既應差役又復撈鹽又豁免佃丁另招貧民補數又題  
准南岸撈鹽用鹽丁則民力不堪動賑濟則財力不繼  
請廣招貧民於兩岸每撈鹽一料外給鹽十車此招募  
簡便之法也萬歷四年御史陳用賓以富丁出銀免役  
貧民包攬代辦富者愈逸貧者愈勞况名爲富丁不無  
豪強假盜鹽戶名色影蔽差役今宜將逃竄貧丁招徠  
復業其富丁七百七十餘名停止納銀盡驅撈辦管鹽

官明信賞罰毋庸虛應雇代此時料頭七百四十號丁夫一萬四千七百不爲不多旣免差役又每料撈鹽千引賑濟銀八兩復加至十兩不爲不厚然路途跋涉旅次艱食沸湯濃足烈日薰肌勞苦萬狀故富者雇代貧者強支查點不及十之四五撈採不及十之二三捏造鬼名誑報虛數皆由料頭之包攬爲奸管鹽官之扶同作弊明末止存鹽丁四百七丁半每歲正月行文州縣從公清審汰年老收幼丁務足舊額一遇池鹽生結調取職官督率料丁星夜赴池照依分定中東西腳道竭力撈採每丁每日責照定例撈鹽一引二十丁爲一號一號所撈各自爲堆以辨多寡美惡撈採完日各在腳道高阜處每一千引攢料一臺僉報臺頭一名日後鹽

不足數責在臺頭補撈每丁每年額撈鹽三十二引足額者官給賑濟銀三錢二分不足責令下次補撈又每年九月終旬調取官丁在池南岸採取蘆葦每丁一十八束每束二十八斤堆放腳道三場斗級看守備來歲苦盞鹽料之用

國朝順治二三年間十三州縣止存六千三百四丁撈採仍依舊制後僅存五千八百四十四丁半順治六年哇歸商人自行燒曬不用鹽丁撈採康熙十六年爲清查晉省之鹽丁等事案內十三州縣除紳矜優免七百七丁外查實在鹽丁共三萬一千一百三丁半酌留二千名備修牆之用行差鹽丁二萬九千一百三丁半照依民丁門則徵納徭銀後於康熙十九年因雨壞池垣甚

夥御史曾寅疏請再留鹽丁二千名專事禁垣雍正五年鹽政塞欽請免鹽丁修牆之役六年鹽政碩色於請留歲修銀兩案內請將丁夫編入民籍而鹽丁永革矣

右種治

引額

河東鹽法舊由商運商銷其制有額引有餘引額引者計口授鹽行銷有地一定而不易者也餘引者行無定地每年於暢銷之處酌量加銷者也而額引有坐畦有不坐畦並有不坐畦亦不食鹽者若更名引加增引又僅以名殊久與坐畦之引無別者也凡三省引地一百七十三州縣額引四十二萬六千九百四十八道除食土鹽之太汾鳳翔等屬六萬三千五百四十九引商人實領引三十六萬五千八百五十八

道又除解州安邑後增無畦可坐之引八千七百其實坐畦錠引與畦四百六十五號均配者共引三十五萬七千一百五十八道其餘引十萬始於雍正三年至乾隆六年累增至二十四萬並歸運商儘銷儘報

山西省額引二十二萬三千一百六引

太原府屬一州十一縣食土鹽陽曲縣額行三千八引  
太原縣額行二千四十八引榆次縣額行三千四百五十三引太谷縣額行一千八百四十四引祁縣額行一千五百五十四引徐溝縣額行六百五十七引清源縣額行七百三十五引交城縣額行一千九百五十六引文水縣額行二千二百五十引岢嵐州額行一百五十四引嵐縣額行二百七十九引興縣額行三百六十五

引

汾州府屬一州七縣食土鹽汾陽縣額行二千四百六十五引平遙縣額行二千九百五十一引介休縣額行二千九百一十二引孝義縣額行五百五十三引臨縣額行一百九十五引永甯州額行四百四十七引甯鄉縣額行一百五十一引石樓縣額行五百二十引

甯武府屬二縣一路食土鹽甯武縣額行一百四十引神池縣額行八十引甯武鹽捕同知西路額行一百七十引

遼州屬二縣食土鹽本州額行八百三十引榆社縣額行三百六十八引和順縣額行三百七十一引

沁州屬二縣食土鹽本州額行七百七十四引沁源縣

額行四百一十三引武鄉縣額行六百一十四引

平定州屬三縣食土鹽本州額行八百六十二引樂平縣額行二百六十四引孟縣額行一千七百二十八引壽陽縣額行二千三百三十八引一百勛

忻州屬二縣食土鹽本州額行二千三十九引一百勛定襄縣額行八百六十引靜樂縣額行六百二十五引代州屬三縣食土鹽本州額行四百七十三引五臺縣額行五百八十一引繁峙縣額行二百八十一引崞縣額行一千三百三十一引

保德州屬一縣食土鹽本州額行一百九十四引河曲縣額行一百五十一引

以上共四十二州縣額引四萬三千九百八十五道係

鹽稅皆領河東之引而不食河東之鹽領引數引皆係管鹽同知州

平陽府屬一州十一縣臨汾縣額行八千四百五引襄陵縣額行五千四百八十四引洪洞縣額行八千五百一十八引浮山縣額行一千一百七十九引趙城縣額行三千五百八十七引太平縣額行四千四百七引岳陽縣額行六百九十七引曲沃縣額行八千四百五引翼城縣額行五千一百七十六引汾西縣額行九百六十九引靈石縣額行一千四百八十六引霍州額行一千一百七十九引

潞安府屬八縣長治縣額行一萬一千六百七十九引長子縣額行五千九百三十九引屯留縣額行三千六



十五引襄垣縣額行四千三百六十三引潞城縣額行  
二千八百五十二引黎城縣額行二千五百七引壺關  
縣額行三千七百六十一引平順縣額行一千六百一  
十二引

澤州府屬五縣鳳臺縣額行一萬一千六百四十五引  
高平縣額行九千三百三十四引陽城縣額行五千一  
百六十五引陵川縣額行四千七百七十七引沁水縣  
額行二千一百五十二引

蒲州府屬五縣永濟縣額行六千六百六十二引臨晉  
縣額行四千二百五十四引虞鄉縣額行一千五百四  
十四引猗氏縣額行三千四百八十五引雍正八年於  
遵旨查議  
事案內減額一千七百引合山西能銷鹽地方輪坐  
加增作餘引行銷該縣存額一千七百八十五引萬

泉縣額行一千五百八十九引榮河縣額行二千七百六十七引

解州屬四縣本州額行三千四百引安邑縣額行五千三百引解安引歷年俱不招商行銷虛貯在庫俟奏銷時撥抵截角徵部雍正七年巡鹽御史碩色以解安額引應歸解安行銷請招商領辦部議解安額引仍歸解安行銷共三省商人領銷引張按照一百二十引爲一名實數運銷所增鹽引八千七百道照數刷印發與該鹽政自雍正七年爲始給商行運至解安額引召募殷實商人領辦倘有未銷餘引於該年夏縣奏銷時據實聲明將所存原引隨冊繳部查核額行五千二百四十八引平陸縣額行一千二百三十引芮城縣額行二千二百四引

絳州屬五縣本州額行五千二百二十七引聞喜縣額行四千二百二引河津縣額行三千七十五引稷山縣額行四千四百五十九引雍正八年於邁旨查議事案內減額一千八十七道令

山西能銷鹽地方輪坐加增作餘引行銷該縣存留三千三百七十二道絳縣額行三千四

百五十四引垣曲縣額行一千七十六引

吉州屬一縣本州額行五百六十四引鄉甯縣額行六

百三十五引

隰州屬三縣本州額行一千二百三十引蒲縣額行二

百八十七引大甯縣額行二百四十六引永和縣額行

一百八十四引

以上共四十七州縣實行額引十七萬九千一百二十

一引皆行河東鹽係商辦

陝西省額引共一十二萬四千七百一引

西安府屬十四縣咸甯縣額行八千五十三引長安縣

額行六千九百八十一引涇陽縣額行五千七百七十

五引三原縣額行三千五百八十七引富平縣額行五千三百六十七引渭南縣額行七千四百四十六引臨潼縣額行三千八百九十五引整屋縣額行三千五百六十二引醴泉縣額行二千六百六十五引藍田縣額行三千一百三十六引高陵縣額行三千一百五十引

雍正八年於遵旨查議事素內減額一千三百一十入道輪坐加增令陝西能銷鹽地方作餘引行銷該縣存額一千入興平縣額行二千五十引咸陽縣額行二千三百三十二道

千三百三十五引鄂縣額行一千七百八十五引

商州屬四縣本州額行一千三百三十二引鎮安縣額行二百八十七引雒南縣額行六百一十五引山陽縣額行三百八引商南縣額行二百五引

興安州屬六縣本州額行八百六十九引石泉縣額行

二百五十八引洵陽縣額行四百一十引漢陰縣額行  
四百一十引紫陽縣額行一百三引平利縣額行十引  
白河縣額行十二引

同州屬四縣本州額行三千七十五引朝邑縣額行五  
千五百八引郃陽縣額行五千二百六十引澄城縣額  
行二千八百七十引韓城縣額行三千七十五引

華州屬三縣本州額行三千二百七十四引華陰縣額  
行三千九十六引蒲城縣額行七千三百七引潼關縣  
額行一百三十六引

耀州屬二縣本州額行八百六十引同官縣額行三百  
五十九引白水縣額行二千八百四十八引

乾州屬二縣本州額行二千八百四十八引武功縣額

行一千四百九十六引永壽縣額行四百二十四引

邠州屬三縣本州額行一千四百三引三水縣額行六

百一十五引涇化縣額行一千二百五引長武縣額行

八百零四引

長武歷年食花馬池鹽不食河東鹽雍正八年照鳳謀例行銷增引八百四道其原

額六百六十道輪坐加增令陝西能銷鹽地方額作餘引行銷

以上共四十五州縣實行額引一十萬八千四百零一引皆食河東池鹽係商銷

鳳翔府屬一州七縣食靈州花馬小池鹽鳳翔縣額行

一千六百五引寶雞縣額行三千二百八十一引岐山縣

額行二千九百九十七引扶風縣額行五千八百一十

三引郿縣額行一千八百二十八引麟遊縣額行六十

八引汧陽縣額行一百二十九引隴州額行五百八十

九引

以上八州縣額引一萬六千三百引名屬課皆領河東之引而不食河東之鹽領引係知府領登州縣繳引亦係州縣

河南省額引七萬九千一百四十引

河南府屬十一縣洛陽縣額行四千四百七十七引偃師縣額行二千六百九十九引鞏縣額行一千七百八十八引孟津縣額行一千七十三引宜陽縣額行六百八十三引登封縣額行三千一百二十七引永甯縣額行一千四十一引新安縣額行八百五十一引澠池縣額行一千二百九十五引嵩縣額行一千八百一十二引盧氏縣額行五百七十二引

陝州屬二縣本州額行一千四百二十六引靈寶縣額行五千六百二十三引閔鄉縣額行三千九百五引

南陽府屬二州九縣南陽縣額行四千七百五引唐縣額行四千九百七引泌陽縣額行三千二百九十六引鎮平縣額行四千八百一十六引桐柏縣額行七百七十三引鄧州額行六千五十七引內鄉縣額行二千八百八十一引新野縣額行三千三百八十九引淅川縣額行一千八百五十四引裕州額行一千三百七十七引葉縣額行二千二百八引

汝州屬四縣本州額行四千一百七十七引魯山縣額行一千四百五十引郊縣額行三千一百二十八引寶豐縣額行七百四十三引伊陽縣額行七百五十一引



許州屬一縣襄城縣額引二千二百五十六引

以上共三十一州縣實行額引七萬九千一百四十引  
皆食河東鹽係商辦

部引於乾隆五十七年停領課歸地丁嘉慶十二年復招商  
領引其辦運規模略同舊制惟河南改爲商運民銷最先所  
增之十萬餘引並入額引通融代銷餘引亦分有定地十七  
年又增領吉蘭泰活引八萬七百五十道而山西食土鹽之  
四十四州縣內岢嵐保德永甯三州嵐興臨甯武偏關神池  
五寨靜樂河曲九縣別行吉引其餘額引仍由布政司承領  
引稅歸入地丁奏銷其時河東歲領引七十萬八千八百二  
道

山西省額引二十三萬八千六百八十五道

平陽府屬一州十縣臨汾縣額引外代銷一百三十六

引活引三千一百一十一引

代銷引始於雍正八年陸政碩色奏請琦氏等縣

減額於本省州縣暢銷襄陵縣額引外活引八百四十

八引洪洞縣額引如舊浮山縣額引外餘引六百引代

銷十九引太平縣額引外餘引七百二十引代銷一百

五十六引岳陽縣額引外餘引八百三十引代銷三十

一引曲沃縣額引如舊翼城縣額引外餘引一百三十

五引代銷三十二引汾西縣額引外餘引一百引代銷

一百九十九引鄉甯縣額引外代銷八十六引吉州額

引如舊

霍州屬二縣本州額引外代銷二百五十二引趙城縣

額引外代銷三十四引靈石縣額引外代銷七十二引

額引外代銷三十四引靈石縣額引外代銷七十二引

蒲州府屬六縣永濟縣額引如舊臨晉縣額引二千七

百一十引

原額四千二百五十四引雍正八年改潞一千五百四十四引分於復設虞鄉縣行銷

虞鄉縣額引一千五百四十四引代銷三十四引雍正八年

由臨晉縣撥給

榮河縣額引外餘引一千一百八十引代銷二

引萬泉縣額引如舊猗氏縣額引一千七百八十五引

依減額

解州屬四縣本州額引如舊安邑縣額引如舊平陸縣

額引外代銷二百引夏縣額引三千九百三十七引原額

五千二百四十八引乾隆十一年減去一千三百一十一引令三省能銷鹽地方代銷

引外代銷五十引

絳州屬五縣本州額引外餘引一千二百五十引代銷

七十引垣曲縣額引外餘引一千二百引代銷一百三

十一引閩喜縣額引如舊絳縣額引外餘引一百五十

引代銷三百五引稷山縣額行三千三百七十二引依

額活引一千五百三十三引河津縣額引外餘引五百

八十引代銷八十引

隰州屬一縣舊制隰州大寧永和皆係商運乾隆三十

二年改食土鹽引歸陽曲等縣鹽稅引內

惟蒲縣仍蒲縣額引如舊

潞安府屬七縣長治縣額引外餘引三千二百五十引

代銷八十一引活引二千一百八十一引長子縣額引

如舊屯留縣額引外餘引八百一十引活引七百一引

襄垣縣額引外餘引三百六十引活引一千五百四引

潞城縣額行三千五百七十四引餘引二千八百九十

引代銷十八引活引一千五百一十三引原額二千八百五十二引

乾隆二十九年平順縣裁沈其額引一千六百一十二  
道分撥潞城壺關黎城三縣行銷潞城增引七百二十  
二黎城縣額行二千七百九十四引原額二千五百七  
引二百八壺關縣額行四千三百六十四引代銷二十  
十七道  
四引活引八百七十七引原額三千七百六十一引平  
澤州府屬五縣鳳臺縣額引外代銷一千二百七十九  
引活引一千五百三十三引高平縣額引外活引三千  
一十五引陽城縣額引外代銷三十九引活引一千七  
百二十六引陵川縣額引如舊沁水縣額引外餘引一  
千二百八十引代銷六十五引活引七百四十八引  
以上四十四州縣額引代銷引共十七萬六千七百五  
十九道餘引一萬九千七百七十五道活引二萬二千  
四百三十八道計實行引二十一萬八千九百七十二

道係商運商銷領河東引食河東鹽

太原府屬八縣行鹽稅引食土鹽陽曲太原榆次太谷  
祁縣徐溝交城文水引額如舊

汾州府屬六縣行鹽稅引食土鹽汾陽平遙介休孝義  
石樓官鄉引額如舊

遼州屬二縣行鹽稅引食土鹽本州並和順榆社引額  
如舊

沁州屬二縣行鹽稅引食土鹽本州並沁源武鄉引額  
如舊

平定州屬二縣行鹽稅引食土鹽本州額行一千一百  
二十六引原額八百六十三引並入孟縣壽陽引額如

舊

忻州屬一縣行鹽稅引食土鹽本州定襄引額如舊

代州屬三縣行鹽稅引食土鹽本州五臺崞縣繁峙引

額如舊

隰州屬二縣行鹽稅引食土鹽本州大甯永和引額如

舊

以上三十州縣其鹽稅引四萬二千一百五十一道舊

制陽曲等四十四州縣向領河東之引配食土鹽徵稅

名曰鹽稅嘉慶十二年復商案內除岢嵐等十四州縣

撥入吉蘭泰引地外所有陽曲等三十州縣鹽稅引由

山西藩司轉院赴部領繳案四十四州縣清源樂平二

仍舊食土鹽外所餘只岢嵐永濟保德三州與嵐臨甯

武神池偏關五寨靜樂河曲九縣云十四州縣未核

陝西省額引十八萬四千七百七十八道

西安府屬一州十五縣長安縣額引外代銷二百七十引活引二千八百九十七引咸甯縣額引外餘引六千三百引代銷四百八引活引一千五百七十八引咸陽縣額引外餘引三百六十引代銷三十七引興平縣額引外餘引一千四百四十引代銷七十六引活引五百五十一引臨潼縣額引外餘引九百六十引代銷一百十三引活引五百一十二引高陵縣額行一千八百三十二引依減額餘引七百二十引鄠縣額引外餘引四千八十引代銷二百三十三引藍田縣額引外餘引一千二百四十引代銷八十九引活引一千五百二十一引涇陽縣額引外餘引六百引代銷六引活引九百八十八引三原縣額引外餘引三百六十引代銷二十引鹽



匡縣額引外餘引四千七百四十引代銷三百五十二引活引一千四百九十三引渭南縣額引如舊富平縣額引外代銷二十九引醴泉縣額引如舊同官縣額引外餘引四百二十引代銷十八引活引二百七十一引耀州額引外餘引六引代銷三引活引四百八十引商州屬四縣本州額引外餘引九千四百八十引代銷一百四十二引鎮安縣額引外餘引二千七百九十引代銷一百八引活引二千八百七十六引山陽縣額引外餘引三百六十引代銷五引雒南縣額引外餘引一千五百六十引代銷五引活引九百四引商南縣額引外餘引三百六十引代銷五引活引一千二百引

同州府屬一廳一州八縣大荔縣額行三千七十五引

餘引八百五十引代銷三引

雍正十三年同州政府釐關縣改廳添設大荔縣爲

州郭仍行潼關廳額行一百三十六引餘引一萬四百

同州額引

七十二引代銷一百六十三引

雍正十三年以朝邑縣改廳引仍舊

額引外代銷三十引活引七百八十七引郃陽縣額引

外餘引一千五百八十引代銷一百七十三引澄城縣

額引如舊韓城縣額引外代銷一百八引白水縣額引

外餘引三百引代銷三十三引華州額引外餘引八百

引代銷六十八引活引一千四百七十四引華陰縣額

引外餘引三百引代銷五十一引蒲城縣額行五千三

百七十八引

原額七千三百七引乾隆十一年減去一千九百二十九引令三省能銷鹽地方代

銷

乾州屬二縣本州額引外餘引六百一十引代銷七十

七引武功縣額引外餘引一千四百三十引代銷八十引永壽縣額引外代銷八引

以上三十四州縣額引代銷引共十萬一千二百八十九道餘引五萬八千五百三十二道活引一萬七千五百三十道計實行引一十七萬七千三百五十一道係商運辦領河東引行解池鹽

興安府屬六縣行鹽稅引食花馬池鹽安康縣歲行鹽稅一千二百七十九引代銷九十八引餘引二千六百四十引興安府屬舊由河東商運商銷嘉慶十六年照例改歸鹽稅查舊志載興安由州改府改縣為安康縣引目歸並今漢陰復廳分銷安康額引四百十引又新設鞏坪廳分銷安康額引一百八十引洵陽及白河紫陽石泉平利五縣引額如舊

鳳翔府屬一州七縣行鹽稅引食花馬池鹽鳳翔岐山

寶雞扶風郿縣麟遊汧陽隴州引額並如舊

邠州屬三縣行鹽稅引食花馬池鹽本州三水消化長

武引額如舊按邠州及三水消化二縣引鹽乾隆五十

商後改食靈州池鹽以前皆歸河東商運嘉慶十二年復照鳳課例徵鹽稅

以上十八州縣共鹽稅引二萬四千九百五十七道皆

行花馬池鹽仍領河東之引照鳳課舊例徵稅行銷

河南省額引二十三萬九千九百九十道

河南府屬十縣洛陽縣額引外餘引三千九百六十引

代銷一百五十七引活引七百六十二引偃師縣額引

外餘引二千五百八十引代銷三十六引活引八百二

引鞏縣額引外餘引二千九百引代銷四十七引活引

七百三十二引孟津縣額引外餘引二千八百八十引

代銷十九引活引七百三十六引宜陽縣額引外餘引  
四千六百八十引代銷三十一引活引一千五百八十  
八引登封縣額引外餘引三千五百二十引代銷六十  
二引永甯縣額引外餘引三千八百四十引代銷五十  
三引活引七百六十二引新安縣額引外餘引三千四  
百八十引代銷九十二引澠池縣額引外餘引五千四  
十引代銷一百二十六引嵩縣額引外餘引三千三百  
六十引代銷三十七引活引八百五引

陝州屬三縣本州額引外餘引四千六百八十引代銷  
一百引靈寶縣額引外餘引二千一百六十引閿鄉縣  
額引外活引七百二十五引盧氏縣額引外餘引六千  
五百七十五引代銷二十四引活引一千六百三十四

引

南陽府屬一廳二州九縣南陽縣額行四千七引餘引

四千八百引代銷五十七引

原額四千七百五引雍正十二年改撥六百九十八

引於復設南召縣行銷

活引五千三十三引南召縣額行六百九

十八引餘引三千八百四十引代銷十六引

雍正十二年由南陽

縣撥

泌陽縣額引外餘引六千七百引代銷七十引活

引三千八十九引桐柏縣額引外餘引五千一百引代

銷八十四引活引一千四百四十引鎮平縣額引外餘

引九百一十八引活引六百引唐縣額引外餘引二萬

五千八十引代銷一百九十四引鄧州額引外餘引一

萬九千五百八十引代銷一百七十八引活引六千三

百九十七引內鄉縣額引外餘引四千四百九十引代

銷四十五引活引七百五十三引新野縣額引外餘引  
五千四百四十引活引二千九百六十七引浙川廳額  
引外餘引七千七百四十引活引四千二百五十一引  
裕州額引外餘引六千九百一十引代銷一百七引活  
引二千三百六十三引葉縣額引外餘引二千五百二  
十引代銷三十二引活引七百三十六引

汝州屬四縣本州額引外餘引四千一百二十引代銷  
四十九引活引七百九十一引魯山縣額引外餘引三  
千四百二十引代銷四十八引活引一千五百八十五  
引邾縣額引外餘引一千五百七十引代銷二十三引  
活引七百三十引寶豐縣額引外餘引一千八百引代  
銷四十二引活引二千一百四十三引伊陽縣額引外

餘引四千五百引代銷五十引活引九百三十九引

許州屬一縣襄城縣額引外餘引八百七十引代銷十

八引

以上三十二州縣額引代銷共八萬九百三十七道餘引十五萬九千五十三道活引四萬二千一百九十三道於嘉慶二十五年改由商運民銷

河東於咸豐二年仿照兩淮鹽法改引行票未幾商人捐免充商乃罷商運行官運官運則仍需引矣其時惟山西官運官銷陝豫則或官運民銷或民運民銷而皆先課後引除吉蘭泰活引及土鹽各引停領外凡舊行之餘引代銷引皆並入正額其岢嵐十二州縣所配之吉引則融入山西引地以歸畫一五年添設靈寶口岸增票鹽三百名九年又續增活



引至一千一百名計前後所增凡十六萬八千引嗣於同治  
四年活引全裁靈寶口岸亦於光緒五年暫請停止於是河  
東現行引地三省共一百一十廳州縣鹽以名計者凡五千  
二百九十八名有奇實行引六十三萬五千八百二十四道  
山西省四十四州縣現行額引一十九萬六千五百三十  
四道合一千六百三十七名九十四引

平陽府屬一州十縣臨汾縣額行八千五百四十一引

合七十一名襄陵縣額行五千四百八十四引合四十八

二十一引洪洞縣額行八千五百一十八引合七十名一浮

山縣額行一千七百九十八引合十四名一太平縣額

行五千二百八十五引合四十四岳陽縣額行一千五

百五十八引合十二名一曲沃縣額行八千四百五引

合七十  
翼城縣額行五千三百四十三引合四十四名

汾西縣額行一千二百六十八引合十名六鄉甯縣額

行七百二十一引合六名吉州額行五百六十四引合

名八十四引

蒲州府屬六縣永濟縣額行六千六百六十二引合五

名六十  
臨晉縣額行二千七百一十引合二十二名虞鄉

縣額行一千五百七十八引合十三名榮河縣額行三

千九百四十九引合三十二名萬泉縣額行一千五百

八十九引合十三名猗氏縣額行一千七百八十五引

合十四名  
一百五引

解州屬四縣本州額行三千四百引合二十八名安邑縣

額行五千三百引合四十四名夏縣額行三千九百三十

七引合三十二名平陸縣額行一千四百三十引合十一名

一百引芮城縣額行二千二百五十五引合十八名

絳州屬五縣本州額行六千五百四十七引合五十七名

引垣曲縣額行二千四百七引合二十名聞喜縣額行四

千四百二引合三十五名絳縣額行三千九百九引合三十二名

九引稷山縣額行三千三百七十二引合二十八名河

津縣額行三千七百三十五引合三十一名

霍州屬二縣本州額行一千四百三十一引合十一名

引趙城縣額行三千六百二十一引合三十名靈石縣

額行一千五百五十八引合十二名

隰州屬一縣蒲縣額行二百八十七引合二名

潞安府屬七縣長治縣額行一萬五千一十一引合一百一十五名

名十 長子縣額行五千九百三十九引合四十九名屯

留縣額行三千八百七十五引合三十二名襄垣縣額

行四千七百二十三引合三十九名潞城縣額行六千

四百八十二引合五十四名黎城縣額行二千七百九十

四引合二十三名壺關縣額行四千三百八十八引合

十六名六十八引

澤州府屬五縣鳳臺縣額行一萬二千九百二十四引

合一百七名高平縣額行九千三百三十四引合七十九

引陽城縣額行九千六百四十四引合八十四名陵川

縣額行四千七百七十七引合三十九名沁水縣額行

三千四百九十七引合二十七名

外岢嵐等十二州縣鹽稅引三千四百九十四道舊係

吉蘭泰引吉引額除後現歸山西引地內分銷

陝西省三十四廳州縣現行額引一十五萬九千八百二十一  
十一道合一千三百三十一名一百一引

西安府屬一州十五縣長安縣額行一萬三千七十一

引合一百八名咸甯縣額行一萬四千七百六十一引

合一百二十咸陽縣額行二千七百三十二引合二十二

五名一引興平縣額行三千五百六十六引合二十九名九

潼關縣額行四千九百六十八引合四十一名高陵縣額

行二千五百五十二引合二十一鄠縣額行六千九

十八引合五十八名藍田縣額行四千四百六十五引合

十七名二涇陽縣額行六千三百八十一引合五十三

十五引三原縣額行三千九百六十七引合三十三盩厔縣

額行八千六百五十四引合七十二引渭南縣額行七千

四百四十六引合六十二引富平縣額行五千三百九十

六引合四十四引醴泉縣額行二千六百六十五引合

十二引合一百十六引同官縣額行七百九十七引合六十七引耀州

額行一千四百六十三引合二十二引

商州屬四縣本州額行一萬九百五十四引合九十一引

引鎮安縣額行三千一百八十五引合二十六引雒南

縣額行二千一百八十引合十八引山陽縣額行六百

七十三引合五十七引商南縣額行五百七十引合四十九引

同州府屬一廳一州八縣大荔縣額行三千九百二十

八引合三十二引潼關廳額行一萬七百七十一引合

十九引合八十八引朝邑縣額行五千八十八引合四十二引

十一引合九引郃

陽縣額行七千八百七十引

合五十八名五十三引

澄城縣額行

二千八百七十引

合二十三名一百一十引

韓城縣額行三千一百

八十三引

合二十六名六十五引

白水縣額行一千四百八十三

引

合十二名四十三引

華州額行四千一百四十二引

合三十四名六十二引

華陰縣額行二千四百四十七引

合二十名四十七引蒲城縣

額行五千三百七十八引

合四十四名九十八引

乾州屬二縣本州額行三千五百三十五引

合五十九名五十五引

武功縣額行三千七引

合二十五名七引永壽縣額行四百

三十二引

合三名十二引

河南省三十二廳州縣現行額引二十三萬九千九百九

十道合一千九百九十九名一百十引

河南府屬十縣洛陽縣額行八千五百九十四引

合七十一引

名七十 偃師縣額行五千三百一十五引 合四十四名

鞏縣額行四千七百三十五引 合三十九名 孟津縣額

行三千九百七十二引 合三十三名 宜陽縣額行五千三

百九十四引 合四十四名 登封縣額行六千七百九引

合五十五名 永甯縣額行四千九百三十四引 合四十一

引 新安縣額行四千四百二十三引 合三十六名 繩池

縣額行六千四百六十一引 合五十三名 嵩縣額行五

千二百九引 合四十三名

陝州屬三縣本州額行六千二百六引 合五十一名 靈

寶縣額行七千七百八十三引 合六十四名 閿鄉縣額

行三千九百五引 合三十二名 盧氏縣額行七千一百

七十一引 合五十九名

九十一引



南陽府屬一廳二州九縣南陽縣額行八千八百六十

四引合七十三名南召縣額行四千五百五十四引合

十七名一百四引泌陽縣額行一萬六十六引合八十三名桐

柏縣額行五千九百五十七引合四十九名鎮平縣額

行五千七百三十四引合四十七名唐縣額行三萬一

百八十一引合二百五十一引鄧州額行二萬五千八百

一十五引合二百一十一引內鄉縣額行七千四百一十六

引合六十一名新野縣額行八千八百二十九引合七

名六十九引淅川縣額行九千五百九十四引合七十九名

裕州額行八千三百九十四引合六十九名葉縣額行

四千七百六十引合三十九引汝州屬四縣本州額行八千三百四十六引合六十九

引 魯山縣額行四千九百一十八引合四十一名一百十八引 郟縣

額行四千七百二十一引合三十九名四十一引 寶豐縣額行二

千五百八十五引合二十一名六十五引 伊陽縣額行五千三百

一引合四十四名二十一引

許州屬一縣襄城縣額行三千一百四十四引合二十二

十四引

外靈寶口岸額行三萬六千引合三百名 咸豐五年添設

舊通志鹽引之名始於宋雍熙二年令河東北商人如

要折博茶鹽合所在納銀赴京請領交引而引之名始

顯天聖時大席受以要券卽池驗券按數而出而用引

照鹽之法始詳元每鹽一引重四百斤明洪武初亦每

引四百斤後分一引爲二引而以四百斤爲大引二百

斤爲小引名改辦小引 引式由戶部鑄造銅板刷印  
引目上鈐戶部堂印下鈐山東司印及頒發到司又鈐  
用運司印信凡商人納課五十兩謂之一錠給引一百  
二十張謂之一名卽於引目填寫商名揭省縣扒赴場  
支掣大使在禁門截第一角掣畢出場截第二角揭門  
扒起運掣吏扒運發到地州縣驗明引鹽截第三角鹽  
銷完截第四角州縣鈐印呈巡鹽御史鑿孔發運司彙  
繳戶部明永樂時運司給客商引目每引納中夾紙一  
張至關引之時類解戶部倒引正統時令各運司提舉  
司徵解商人引紙每一百張收銀三錢令隨課徵收每  
引徵銀三釐領引時差吏赴戶部交納凡引貯庫未揭  
省縣扒謂之生引以其未拘定行鹽地方也揭扒報掣

謂之熟引截角鑿孔謂之退引又謂之殘引從前鹽引通融奏銷以三年爲期及至奏銷或挪後補前或移甲換乙不拘年分惟期每年起解引四十一萬七千四百四十三道之數便可足額然截清年分按年奏銷實多虧缺雍正七年定按年銷引停止通融雍正八年巡鹽御史碩色疏請自雍正八年爲始如雍正七年之引至雍正八年六月內清查奏銷十月解部部議應如該鹽政所請嗣後總以上年額引次年按月清查報解著爲定例

舊志會典載河東歲額正改鹽四十一萬七千四百四十三引內除太汾遼沁四萬三千九百八十五引鳳翔一萬六千三百引商人實行引三十五萬七千一百五

十八道內有更名變價引二千一百七十餘道乃明藩封官吏食鹽

國朝以明時藩封食鹽變價充賦又有西安加增引二萬二千九百六十七道引名雖殊其實皆商人行銷之引也此三十五萬七千一百五十八道舊例摺存三引爲解安引以一百一十七引而支一百二十引之鹽雍正七年部頒引八千七百道每名添足三引以符一百二十引爲一名之數增解安引八千七百引招商行銷八年長武請照鳳翔例行銷應增額八百四引共額四十二萬六千九百四十七引又因額引不敷行銷部頒餘引十萬道又增餘引二萬五萬不等皆由

聖世生齒日繁食鹽日衆私鹽不行官鹽易銷也行河東之

引者三省曰山西河南陝西河南省則南陽河南二府屬汝陝二州屬與許州之襄城皆行河東之引而食河東池鹽山西省惟平陽潞安澤州蒲州四府屬解釋吉隰四州屬行河東引而食河東鹽太原汾州甯武三府屬遼沁平保忻代六州屬皆食本處土鹽領河東之引而不食河東之鹽名曰鹽稅陝西省惟西安一府屬與安同商華耀乾那七州屬領河東之引而食河東之鹽其鳳翔府屬皆食花馬池鹽名曰鳳課與西安長武皆領河東之引而不食河東之鹽是三省領引州縣共一百七十三處實行商鹽者一百二十二處領引四十二萬六千九百四十七引商人實行引三十六萬五千八百五十八引

備覽舊制每引支鹽二百斤雍正三年以鹽運三省盤山過渡折耗甚多加重二百四十斤爲一引乾隆四十二年酌議以九月至年終農隙脚賤之時爲多於四箇月內加耗五斤過期停止續覽嘉慶二十四年定山陝二省每引加鹽十斤每名合鹽三萬斤河南省照舊每名二萬八千八百斤咸豐二年改辦票鹽案內准河南每引加鹽十斤與山陝一體辦理

備覽餘引之設所以濟額引之不足儘消儘報無定數也河東餘引始於雍正三年川陝總督帶管鹽務年羹堯以額引不敷行銷請領餘引十萬道雍正六年增領餘引二萬道七年增領餘引三萬道八年增領餘引五萬道皆以行銷不敷故續增請領復將前領十萬道作

爲定例與續領餘引有閒乾隆五年以閏月之年食鹽必多增領餘引二萬道六年又以節年請領餘引仍有不敷復領餘引二萬道先後共領餘引二十四萬道凡於請領餘引本內俱有儘銷儘報字樣聲明如有餘剩繳部查銷乾隆十六年因餘引過多積鹽難銷鹽政西甯請減四萬道部議覆准俟數年後仍應行銷二十四萬道乾隆十八年以池產豐稔行鹽漸多增復餘引二萬道二十一年以借買長蘆餘鹽配運不虞缺乏又增復餘引二萬道仍足二十四萬道之數二十六年以自池遭水患帶銷節年額餘未完分數積引過多鹽政薩哈岱請減七萬道三十年以池內積有餘鹽恐致滯耗增復三萬道三十二年以節年積引帶銷全完增復二



萬道至四十九年復原數現領餘引二十四萬道每年於能銷鹽地方分派行銷乾隆四十八年均引之後各州縣雖酌有定數然有餘不足例得通融儻難如數行銷仍准隨時改撥非若額引之不容增損於其閒也

備覽順治二年始定河東鹽法本年巡鹽御史劉令尹以申明轄屬疏稱陝西之平涼慶陽乃食花馬小池之鹽山西太原汾州乃食本地土鹽舊皆河東所轄以其與河東相近也若河南之汝甯府逼近淮境係食淮鹽陝西臨洮鞏昌係食西河漳鹽皆有該管衙門舊非河東所轄以與河東有二千里之懸隔也祈照成規將太原汾二府並陝西之平慶二府行臣督理其食淮鹽之汝甯仍歸轄兩淮食西河漳鹽之臨鞏仍歸轄甘肅部議

允行康熙十年御史布舒疏請汾州七縣俱食本地土鹽獨有石樓一縣行銷解鹽道里阻長行運維艱照改土鹽商民兩便部議准其改食以商行引課改爲縣徵鹽稅先是康熙四年懷慶民人以行銷解鹽爲累謂照開歸之例改食蘆鹽經三省督撫會議商運商銷永不累民事未遂行至康熙二十四年河南巡撫王日藻復以懷慶改食蘆鹽爲請部議覆准是解鹽之幅員又加蹙矣乾隆三十三年巡撫富明安以隰州暨所屬大甯永和二縣向俱行銷河東池鹽但地處萬山之中車輛不通輓運艱難鄉民又苦價貴援照石樓之例情願就近改食土鹽部議准行引課歸入丁糧而解鹽之幅員益減今現行山西則平蒲澤潞四府屬解絳霍三州屬

並隰州屬之蒲縣陝西則西同興三府屬商乾二州屬  
邠州暨所屬之三水淳化二縣河南則河南南陽二府  
屬汝陝二州屬並許州屬之襄城縣共實行鹽州縣一  
百一十九處加以納稅各州縣則爲一百七十二處矣  
續覽嘉慶十一年復商撫臣成齡疏稱山西尙嵐等十  
四州縣鹽引撥歸吉蘭泰引地行銷其餘三十州縣照  
舊納稅陝西鳳翔府八屬向食花馬池鹽納河東課本  
屬兩歧今因水運便易請派商行銷邠州暨所屬三水  
醴化二縣向係河東派商行銷今因山路崎嶇費重價  
昂請改食花馬池鹽經部議准行是年兩淮鹽政額勒  
布疏稱淮北岸銷疲滯實由潞鹽侵灌請將泌陽桐柏  
二縣改食淮鹽十二年河南撫臣馬慧裕以淮北地面

先被水患繼以旱運路阻請仍歸河東派商承辦是年  
撫臣成齡疏稱陝西漢中一帶行銷定邊花馬大池之  
鹽必由鳳翔經過盤詰維艱請將鳳翔府屬八州縣仍  
食靈州花馬小池之鹽行銷河東之引又附片邠州三  
水醱化三處自改食靈鹽以來民皆稱便請照長武之  
例民運民銷按烟戶納課毋庸設立土商十六年撫臣  
衡齡以興安府屬六縣引地商運費重賠累難支照鳳  
翔之例改食花馬池鹽十八年請將吉蘭泰鹽引攤入  
現行潞鹽引地勻銷皆經准行今河東現行引地山西  
則平蒲澤潞四府屬解絳霍三州屬並隰州屬之蒲縣  
共四十四州縣陝西則西同二府屬商乾二州屬共三  
十四廳州縣河南則河南南陽二府屬陝汝二州屬並

許州屬之襄城縣共三十二廳州縣三省共行鹽引地  
一百一十處較前志少興安邠州九處納鹽稅引地山  
西則太汾二府屬遼沁平忻代隰六州屬共三十州縣  
陝西則興鳳二府屬邠州屬共十八州縣二省納稅引  
地共四十八處較前志多興安邠州九處少岢嵐等十  
四處統共三省納課稅一百五十八處

續覽河東鹽引之制創自炎宋洎乎有明代有增減更  
僕難數順治時額行四十萬九千九百三十三引康熙  
時額行四十一萬七千四百四十三道雍正時額行四  
十二萬六千九百四十七道乾隆時額行六十六萬六  
千九百四十七道五十二年後產鹽缺額商力積疲五  
十七年經山西巡撫馮光熊 奏准將鹽課攤歸地丁

所有行銷河東鹽之山陝河南共一百七十餘廳州縣  
歲額引四十二萬六千九百四十七道餘引二十四萬  
道概予停領嗣於嘉慶十二年復歸商運酌定額餘引  
六十萬五千二百七十九道迨至咸豐二年改引行票  
共成額代餘活引六十八萬三千八百四十五道四年  
捐免充商改爲官運共行額引四千九百九十八名七  
十九引五年議加靈寶鹽票三百名七年改領部引九  
年加票三百三十名十年續加鹽票二百七十名是年  
四月又加活引五百名同治二年滯銷准將活引五百  
名暫行停緩四年並將前加票六百名一併停止從此  
歲額五千二百九十八名七十九引卽現在行銷之引  
數也

右引額

山西通志卷七十